


印
光
法
师
文
钞

简
编

浄土宗十三祖印光法師徳相



印光法师文钞简编

印光法师文钞题词并序

是阿伽陀。以疗群疾。契理契机。十方宏覆。普愿见闻。欢喜信受。联华萼于西池。等无量之光寿。庚申暮春。印光老人文钞镌板。建东云雷。嘱致弁辞。余于老人向未奉承。然尝服膺高轨。冥契渊致。老人之文。如日月历天。普烛群品。宁俟鄙倍。量斯匡廓。比复敦促。未可默已。辄缀短思。随喜歌颂。若夫翔绎之美。当复俟诸耆哲。大慈后学弘一释演音稽首敬记。

识无量病。与无量药。见佛性故。回己济他。
寐叟敬题

诸三昧中。功高易进。念佛为先。入此三昧已。一切三昧。皆得具足。抑扬之说。信非笃论。法宁有异。异自人耳。今时贤哲。亦盛谈义。然浊智流转。玄言奚裨。自非冥怀凝寂。岂能廓彼重昏。决知火宅无安。乃悟乐邦非邈。故谓从心现境。境即是心。摄所归能。他即是自。欲求方便趣入之道。舍净土何由哉。印光法师。此宗尊宿。俯提弱丧。罄吐诚言。辞致恳恻。与莲池为

近。云雷居士，倡缘弘布，深植净因。远征题识
现境，境即是心。摄所归能，他即是自。欲求方
便趣入之道，舍净土何由哉。印光法师，此宗尊
宿。俯提弱丧，罄吐诚言。辞致恳恻，与莲池为
近。云雷居士，倡缘弘布，深植净因。远征题识，
聊为赞喜。其诸大心上士，夙志津拔修途，游履
安养者，盖必有质于是也。庚申二月湛翁书

古德弘法，皆觑破时节因缘，应机调伏众生。

印光大师，文字三昧，真今日群盲之眼也。诵
此后，更进以莲池，憨山，紫柏，藕益诸集，培
足信根。庶解行证得，有下手处。启超具缚凡夫，
何足以测 大师。述所受益，用策精进云尔。庚
申四月八日梁启超敬题

大矣哉净土之为教也。诸佛出广长舌而赞叹，
列祖发真实语以显扬。万汇咸收，三根普被。故
念佛往生者，不间下凡上圣。称机利导者，无论
教祖禅宗。试观著述传流，经论结集。其间赞扬
净土法门者，不一而足。可见佛祖利生之旨，人
同此心，心同此理也。我震旦自晋时远祖，溯西
竺之高风，结东林之胜社。于是而缙素名流，教
宗硕德，都以净土法门，为化导之资，而此宗盛

行。乃者去圣时遥，真修日鲜。研教典者，徒滞文言。习宗乘者，罕明心地。欲求秉教修心，真参实悟，于百尺竿头，得一进步者，实不易多觐也。甚且呵佛骂祖，斥净土为小乘。瞎练盲修，嗤念佛为愚事。举世滔滔，迷流蠢蠢。明哲罕遇，慨也何如。惟我普陀印公，智光雪亮，梵行冰清。具正知见，发大慈悲。烛智炬以破昏衢，挥慧剑而裂见网。阐扬正道，挽救海之狂澜。指示真乘，作法门之保障。虽卅年苦行，与世罕通。而四海传名，问津日众。或航海梯山，而请求开示。或鸿来雁去，而乞赐南针。举凡所说所书之只言片句，莫不奉为明训，宝逾奇珍。浙西徐蔚如，瓯东张云雷等诸居士，将印公所为文，一再编录，寿枣流通。阅是编而能循文悟旨，慕果修因者，何可胜计。闲四十年来，奉释尊之诚言，遵智者之悲愿，所以自修而兼利者，其归结处，亦不外一句弥陀，信愿往生而已。今契西居士等，重将印公文，镌板印行，以垂永远。手民将竣，问序于予。利人益物，共结法喜之缘。流水高山，一为知音之奏。安得以不文辞。深愿是编，流布于三千界内，宣传于百亿国中。普使见所未见，共

获真修。情与无情，同圆种智。庶不负印老人之无量悲心，与诸居士之连番义举也夫。民国壬戌五月，释谛闲述

佛以一大事因缘故，出现于世。随机设化，开示种种方便法门。而求其简易直捷，一生可以成办者，莫如念佛求生净土。起信论谓之如来胜异方便，诚方便中之最胜者也。世每以愚夫愚妇所能为，而鄙不屑学，必欲别求玄妙。不知如来说法，无法不玄。所立行门，无门不妙。然大都皆限于上根利智，未能遍引群机。独此净土一门，普被三根，不拣异类。以言玄妙，孰逾于斯。夫华严一经，王于三藏。恒沙法海，靡不赅罗。末后普贤乃为证齐诸佛之善财，宣说十大愿王，导之归向极乐。此之境界，岂凡情所可思议者哉。况夫修行其他法门，必至断惑证真，方出三界。欲了生死，难乎其难。此则但须持名真切，不妨带业往生。一登莲邦，长劫侍佛，亲承教诲，终必至于一生补处。其玄妙为何如。又修他法者，专仗自心佛力，不求他佛加被。知见非正，或致受魔。此则有弥陀愿力摄持，感应道交，永无魔事。其玄妙又何如。大集经中，如来悬记末法亿

亿人修行，罕一得道。唯依念佛，得度生死。今正末法时期，欲求解脱，舍此奚由哉。印光法师，为当今有道高僧。博览藏经，淹通宗教。归心净土，自利利他。纵无碍之辩才，弘契机之妙法。诚所谓是如来使，行如来事者。著有文钞，风行于世。辞义深显，理事圆融，实足追云栖灵峰之法轨。兹者诸大居士，发愿捐资刊板，永久流通，广作度生宝筏。马子契西以序请，勉述数语，敬志赞扬。普愿法界诸众生，同往无量光佛刹。上海黄庆澜熏沐序

印光法师文钞简编目次

序	1
简编目次	6

一、净土超胜篇

净土普被三根论	11
净土五经重刊序	13
西方公据序	15
青莲寺宣言书	17
与体安和尚书	25
与悟开师书	29
与陈锡周书	31
复永嘉某居士书六	39

二、信愿持名篇

一函遍复	69
复高邵麟书四	77
与徐福贤女士书	82
复周群铮书	90
复袁福球居士书	92
与谢融脱书	97

复顾显微书	101
复叶福备书一	108
三. 主敬存诚篇	
竭诚方获实益论	109
持经利益随心论	120
石印普陀山志序	121
普劝惜字尊经说	124
诫初发心学佛者书	126
复尤惜阴书	133
四. 深信因果篇	
因果儒释根本说	135
挽回劫运正本论	138
厦门流通佛经序	145
佛学救劫编序	148
挽回世道人心录序	154
宜兴佛教净业社缘起	159
复林介生书	161
复周颂尧书	167
五. 禅净料简篇	
净土决疑论	170
宗教不宜混滥论	187

致广慧和尚书	196
复汪雨木书	209
复何槐生书	211
六. 对治烦恼篇	
示净土对治等义	214
复邓伯诚书二	219
复高邵麟书二	227
与卫锦洲书	230
复陈慧超书	235
复甬江某居士书	237
复宁波某居士书	239
寿康宝鉴序	241
七. 儒佛璧合篇	
儒释一贯序	246
四书蕩益解序	250
了凡四训序	253
林文忠公日课发隐	257
复万安校长书	258
复汤昌宏书	259
八. 戒杀护生篇	
戒杀吃素说	262

极乐寺放生池疏	269
劝戒杀放生文序	273
南京素食同缘社开示法语	277
复庞契贞书	284
复罗智声居士书一	285
九. 敦伦皈戒篇	
佛教以孝为本论	287
三归五戒十善义	289
金山传戒序	295
梵网经集证序	298
人字发隐	301
劝人积阴德文	302
循陔小筑发隐记	305
道德丛书序	308
十. 家教女权篇	
家庭教育发隐	310
石印闺范序	312
复永嘉某居士书四	314
复永嘉某居士书一	317
与周法利童子书	320
礼念观音求子疏附三要	321

十一. 摧邪护教篇

灵岩寺永作十方记	325
管理寺庙条例序	329
吴县佛教会通告	333
复焦易堂居士书	336
复谢融脱书二	338
与林枝芬书二	339
复江景春书其一	347
复王子立居士书三	350

十二. 临终饬要篇

临终三大要	353
汲浜镇助念缘起	360
饬终津梁序	362
幽冥戒牒	365
示华权师法语	366

附录

中兴净宗印光大师行业记	368
跋	382

一. 净土超胜篇

净土法门普被三根论

一切众生，具有如来智慧德相。但由迷真逐妄，背觉合尘。全体转为烦恼恶业。因兹久经长劫，轮回生死。如来愍之，为说诸法。令其返妄归真，背尘合觉。使彼烦恼恶业，全体复成智慧德相。从此尽未来际，安住寂光。犹如结水成冰，融冰成水。体本不异，用实天殊。然众生根有大小，迷有浅深。各随机宜，令彼得益。所说法门，浩若恒沙。就中求其至圆至顿，最妙最玄，下手易而成功高，用力少而得效速，普被三根，统摄诸法，上圣与下凡共修，大机与小根同受者，无如净土法门之殊胜超绝也。何以言之，一切法门，虽则顿渐不同，权实各异。皆须修习功深，乃得断惑证真，出离生死，超凡入圣。是谓全仗自力，别无倚托。倘惑稍未尽，则仍旧轮回矣。且皆理致甚深，不易修习。若非宿有灵根，即生实难证入。惟有净土法门，不论富贵贫贱老幼男女智愚僧俗士农工商一切人等，皆能修习。由阿弥陀佛大悲愿力，摄取娑婆苦恼众生，是故较余门得果

为易也。凡我有情，闻是净土法门者。当信娑婆极苦，西方极乐。当信多生已来，业障深重，匪凭佛力，骤难出离。当信求生决定克期得生。当信念佛定蒙慈悲摄受。由是坚定一心，愿离娑婆，如囚之欲出牢狱，绝无系恋之心。愿生西方，如客之思归故乡，岂有因循之念。从此随分随力，至心持念阿弥陀佛圣号。无论语默动静，行住坐卧，迎宾待客，著衣吃饭，务令佛不离心，心不离佛。譬如切事系心，凡百作为，不忘此事。或有公私众务，了无少暇，须于早晚十念念佛，至心发愿，亦能往生。以阿弥陀佛曾有愿云，十方众生，至心信乐，欲生我国，乃至十念，若不生者，不取正觉。是故十念念佛，亦得往生也。但既念佛求生西方，必须发慈悲心，行方便事。息贪瞋痴，戒杀盗淫，自利利人，方合佛意。否则心与佛背，感应道隔，但种来因，难获现果矣。若志诚念佛，行合佛心，心口相应。如是念佛之人，至临命终时，阿弥陀佛，与诸圣众，必然亲垂接引，往生西方。一生西方，则超凡入圣，了生脱死，永离众苦，但受诸乐矣。此则全仗佛力，不论功之深浅，惑之有无。但具真信切愿，决定

万不漏一。至于已断惑者求生，则顿超十地。已登地者求生，则速证佛乘。所以文殊，普贤，马鸣，龙树等菩萨，皆愿往生也。具十恶者念佛，尚预末品。将堕狱者念佛，亦登莲邦。因兹张善和，张钟馗，雄俊，惟恭等恶人，同出轮回也。其他戒善具修，定慧均等，居尘不染，处浊恒清，克志西方，高登上品者。如群星之拱北，众水之朝东，何可得而胜数耶。是以千经万论，处处指归。往圣前贤，人人趣向。以其为如来普度众生之要道，众生即生出苦之妙法故也。

净土五经重刊序^原

净土法门，其大无外。三根普被，利钝全收。九界众生，舍此则上无以圆成佛道。十方诸佛，离此则下无以普度群萌。一切法门，无不从此法界流。一切行门，无不还归此法界。若论大机所见，肇始实在华严。以善财遍参知识，末后于普贤座下，蒙其威神加被，所证者与普贤等，与诸佛等，是为等觉菩萨。普贤乃以十大愿王，劝进善财，及与华藏海众四十一位法身大士，回向往生西方极乐世界，以期圆满佛果，而为华严一经归宗结顶之法。然则华严明一生成佛之法，而归

宗于求生净土。是知净土一法。乃十方三世一切诸佛。上成佛道。下化众生。成始成终之无上大法也。此殆大机所见。二乘尚不见闻。况具缚凡夫乎。迨至方等会上。特为专说净土三经。俾一切若凡若圣。同事修持。以期现生出此五浊。登彼九莲也。佛在摩竭提国。灵鹫山中。说阿弥陀佛。最初因地。弃国出家。发四十八愿。又复久经长劫。依愿修行。迨至福慧圆满。得成佛道。所感之世界庄严。妙莫能名。十方诸佛咸赞叹。十方菩萨。与回小向大之二乘。具足惑业之凡夫。咸得往生。等蒙摄受。是为无量寿经。于摩竭提国王宫中。说净业三福。十六妙观。俾一切众生。悉知是心作佛。是心是佛。诸佛正遍知海。从心想生。则是心作众生。是心是众生。众生烦恼业海。从心想生之义。便已彰明校著。果能深明此义。谁肯枉受轮回。末明九品生因。以期各修上品。是为观无量寿佛经。在舍卫国给孤园中。说净土依正妙果令生信。劝诸闻者。应求往生以发愿。复令行者。执持名号以立行。信。愿。行三。为净土法门之纲宗。具此三法。或毕生执持。已得一心。或临终方闻。止称十念。均得蒙佛接引。

往生西方。是为阿弥陀经。此三。乃专谈净土之经。而阿弥陀经。摄机尤普。以故禅。教。律各宗。咸皆奉为日课焉。诸大乘经。带说净土者。多难胜数。而楞严经大势至念佛圆通章。实为念佛最妙开示。众生果能都摄六根。净念相继以念。岂有不现前当来必定见佛。近证圆通。远成佛道乎哉。故将此章。列于三经之后。而以普贤行愿品殿之。以成净土法门之一大缘起。令诸阅者。知此一法。大畅佛怀。较彼仗自力断惑证真以了生死者。其难易奚啻天渊悬殊。以故九界同归。十方共赞。千经俱阐。万论均宣也。金陵净土四经板。已经模糊。修净业者。苦无最清爽之读本。因为铸板。以势至念佛圆通章。附于三经之后。称为净土五经。若论法门缘起。宜以无量寿经为首。今为便于读诵。故以阿弥陀经为首。阅者谅之。

西方公据重刻序

净土法门。乃如来普度众生之特别法门也。如来愍念众生。示成正觉。俯顺群机。循循善诱。大根则令其悟一心之具造。断惑证真。以直趣菩提。小器则令其明三世之因果。趋吉避凶。为入